

Decriziun dl proiet “A scora cun de plü lingac”:

Le proiet “**A scora cun de plü lingac**” dl’Academia Europeica de Balsan cíara da ciafè na resposta a chèstes domandes: Co vègnel pa odü y anuzé le potenzial dl plurilinguism tles scores dl Südtirol? Co po pa la scora jì sura l’usanza dl monolinguisim fora y afrontè sciöche al alda les sfidades de na sozieté pluriculturala y plurilinguala?

Por respogne a chèstes domandes él gnü fat dl 2012 n stüde olache al é gnü trat ite les scores dl Südtirol por mosoré le nivel de plurilinguism tles scores dla provinzia y sciöche al vègn odü y “manajè” dal personal insegnant y dales scolares y dai scolars.

Sön la basa dl stüde y dl’analisa di daç coiüs adöm gnaràl laurè fora materiai y stromènc por sostignì na promoziun linguistica adatada dles scolares y di scolars che frequentèia tlasses tres plü eterogenes (an ti cíararà dantadöt a che che à sciöche pröm lingaz n lingaz che ne va nia a öna cun le lingaz d’insegnamènt dla scora). Tres l’adoranza de chisc materiai jaràra da renforzè les competènzes interculturales de dotes les scolares y de düc i scolars y aumentè les oportunitês tl cíamp dla formaziun y dl laûr. Cun chësta scomenciadia déssel inçe gnì sostignì la cosciënza y l’atenziun linguistica y identifiché le plurilinguism sciöche travert educatif.

Te n stüde che acompagnèia le proiet gnaràl controlè les mosöres sön la basa de süa efiziënza y n iade che le proiet sarà gnü stlüt jö gnaràres publicades.